

կացեալն ո՛չ ունիցի իշխանութիւնս այլ իմն վրէժ-
խընդրութեան բայց գանգատեսցի 'ի տունն դա-
տաստանի և գտցի վճիռ արդարութեան:

Գ Լ ՈՒ Խ 34Գ.

Ով ոք բարկացեալ և անձամբ վրէժխնդրող
յետ երիս անգամ հրաւիրելոյ բարկացանողին զի
ելցէ ընդ դէմ իւր և տացէ անձամբ վրէժ բար-
կութեան սրտի իւրոյ, և ընդդիմանայ բարկա-
ցանողն երիցս անգամ խնայելով, և առաջի վկա-
յից խոստանալով զի ամենայն պարտ մեղաց իւ-
րոց հատուցանելու յօժար է, եթէ ելցէ հրաման
դատաստանի և 'ի գանգատէ բարկացողի, յետ
այսորիկ եթէ բարկացողն ամբարշտեալ ելցէ 'ի
վերայ ընդդիմակացի իւրոյ, և 'ի պատճառէ
բարկութեամբ արձակմանէ իւրոյ և ընդդիմա-
կացն 'ի ջանացողութենէ փրկութեան անձին իւ-
րոյ, գուցէ անկանիցի բարկացողն և մեռցի, և
ընդդիմակացս վկայիւն հաստատեսցի առաջի
ատենի դատաստանի, որ յինքն երիս անգամ
հրաժարելով խոյս ետ ելանել ընդդէմ առն բար-
կացողի և խոստացաւ հատուցանել նմայ գամե-
նայն պարտս մեղաց իւրոց, որ առ բարկացողն
եթէ գտցի պարտաւոր առաջի ատենի դատաս-
տանի, և բարկացողն ո՛չ լուաւ և յինքնակամ
սրտիւ արձակեցաւ 'ի վերայ ընդդիմակացի և
ընդդիմակացն ընդդիմանալով փրկել զանձն իւր